

李

氏

音

鑑

李氏音鑑卷三

大興李汝珍松石撰

上卷雖縷釋翻切之旨第恐學者觀之義涉紛紜
猶有茫然之患故撰初學入門一卷蓋欲學者不
得於彼則得於此也其中入手條目固已井然但
易於領會者莫若啟蒙一篇所釋物名切音之類
最宜熟誦一經明此則無字空聲即可隨呼而知
其音既得其音則中母二十二字自易成誦中母
既能成誦則凡切音之類莫不隨口而出矣此爲

入門第一捷徑學者玩之

第二十三問切音啟蒙總論

或曰同母二十二音悉首列陽韻者何也然則他韻未可平對曰皆可也然獨取陽韻者蓋他韻有音無字者多未若陽韻無字者少便於誦讀耳敢問以陽韻如秧陽養漾藥之類而列一至十爲母其音可得切乎對曰可也試以陰平切之一秧秧也一與秧同母秧與秧同韻故爲秧二秧昂陰平也二以古音切之爲輒陰平今切昂之陰平者非不遵古也蓋此篇

悉指初學而言。姑從時音。庶學者可免音異滋惑之患焉。三秧。桑也。四秧。桑也。三四同母。故切同。五秧。汪也。六秧。郎陰平也。六以北音切之。爲良陰平。七秧。槍也。八秧。幫也。九秧。姜也。十秧。商也。以陽平切之。一陽。陽也。二陽。昂也。三陽。桑陽平也。四陽。桑陽平也。五陽。王也。六陽。郎也。七陽。嬌也。八陽。幫陽平也。九陽。姜陽平也。十陽。商陽平也。以上聲切之。一養。養也。二養。聊也。三養。額也。四養。額也。五養。岡也。六養。朗也。七養。搶也。八養。榜也。九養。姜上聲也。十養。賞也。以去聲切之。

一漾漾也。二漾柳也。三漾喪也。四漾喪也。五漾妄也。六漾浪也。七漾贍也。八漾謗也。九漾姜去聲也。十漾尙也。以入聲切之。一藥藥也。二藥惡也。三藥索也。四藥索也。五藥窩入聲也。六藥絡也。七藥鵲也。八藥博也。九藥腳也。十藥勺也。敢問以陽韻十切而俱爲顛倒可乎。對曰可也。秧一也。秧二異也。秧三滄也。秧四異也。秧五雨也。秧六育也。秧七一也。秧八軋也。秧九友也。秧十指也。餘如養漾顛倒之類亦猶是耳。或曰以切音急呼論之九養似近於講九漾似近於降。

予不以講降爲音。而曰姜之上去者。何也。對曰。以之成誦。取其便於初學。九養可以爲講。九漾亦可爲降也。若以翻切論之。則養列二十一養。而講歸三講。漾列二十二漾。而降歸三降。韻旣不同。詎可因其音近。而卽爲切耶。卽如一獻。燕也。二獻。岸也。三獻。散也。四獻。散也。五獻。玩也。六獻。爛也。七獻。倩也。八獻。半也。九獻。見也。十獻。扇也。此亦施之初學。借爲成誦。而爲入門之階。則可。苟以切音而論。不惟獻字本歸十四願。與燕扇等字不侔。卽燕扇等字。亦有十五翰十七霰。

之別。豈可以彼韻而列此切之音哉。或曰。吾聞漢以上雖無翻切之名。而翻切之語。已有之。可得聞乎。對曰。宋沈括謂古語有二聲合爲一字者。如何不爲盍而已。爲耳。推蓬寤語亦言不可爲叵者乎。爲諸。鄭樵謂慢聲爲二。急聲爲一。慢聲爲者焉。急聲爲旃。慢聲爲者歟。急聲爲諸。慢聲爲之矣。急聲爲只。他如左氏以句瀆爲穀。玉藻以終葵爲椎。刀劒錄以思召爲紕。錄異記以不乃爲攏。說文云。鈴令丁也。釋名云。鞞蔽膝也。此皆類如翻切之義也。宋祁筆記謂孫叔然作

反切。本出於俚俗常言。蓋以鯽溜爲就突。樂爲團窟。籠爲孔。卽令爲精也。唾玉集以俗語切字。如勃籠爲蓬勃。藍爲盤。骨露爲鋼。窟陀爲窠之類。其義雖不甚解。殆亦當時方言。作爲切音之戲耳。或曰。以此推之。凡物名之類似。皆可以爲切矣。亦可施之問答。筆之於篇乎。對曰。彼問此答。凡以二字隨意呼之。莫不可以爲切也。陸機云。震風過物。清濁效響。其切音之謂乎。若震風過物而不聞其聲。二字爲切而不得其音。未之有也。至筆之於書。則有音無字者衆。口能道其

音筆難書其字。未可一概論也。或曰以隱僻之音論之固難書其字矣。今以禽名如鳳凰孔雀鷓鴣鷓鴣之類亦可爲切乎。對曰可也。鳳凰爲房以鳳凰易鳳雛則爲鳬矣。孔雀爲廓以孔雀易黃雀則爲藿矣。鷓鴣爲超以鷓鴣易梟鷓則爲蕞矣。鷓鴣爲珠以鷓鴣易鶻鷓則爲逋矣。他如白鷺爲布以白鷺易朱鷺則爲註矣。早鷺爲爭以早鷺易谷鷺則爲耕矣。暮鷺爲媽以暮鷺易金鷺則爲嘉矣。野鵲爲藥以野鵲易干鵲則爲閤矣。或曰此數切也。隨意呼之其音莫不出。

於二字之間不假人力悉由天然莊周所謂天籟者殆猶是歟惜名類不廣切音無多吾猶患其難也子苟益之以名物加之以切音反覆變易推廣其切使學者耳之所聞目之所見無非常言俗語雖田夫村媼亦能啟齒而知其音則有志於斯者心領神會略識其槩庶可由此推彼觸類旁通子何憚而不爲歟對曰名物廣矣豈勝言哉或曰今以禽名論之鳩陰平也鴻陽平也鳥上聲也鳳去聲也鶴入聲也此五者陰陽上去入五聲備矣亦能反覆變易推廣其音

乎。對曰可也。試以陰平切之。如祝鳩爲周。祝鳩易鵲
鳩。則爲溝。鵲鳩易鷺鳩。則爲休。鷺鳩易桑鳩。則爲搜
矣。以陽平切之。如垂鴻爲蟲。垂鴻易游鴻。則爲融。游
鴻易目鴻。則爲蒙。目鴻易來鴻。則爲瓏矣。以上聲切
之。如陽鳥爲杳。陽鳥易林鳥。則爲了。林鳥易山鳥。則
爲少。山鳥易啼鳥。則爲挑矣。以去聲切之。桐鳳爲慍。
桐鳳易威鳳。則爲甕。威鳳易孤鳳。則爲貢。孤鳳易鷺
鳳。則爲龔矣。以入聲切之。如孤鶴爲各。孤鶴易遼鶴。
則爲略。遼鶴易松鶴。則爲索。松鶴易雲鶴。則爲藥矣。

此以五聲各就一韻反覆變易言之。言雖淺而義則明。學者卽此推之。自易入門。孫過庭所謂苟知其術。適可兼通。此之謂也。或曰。此數切也。合而呼之。莫不淺顯易曉。然較之他切。若有難易之分。其義何也。對曰。此易曉者。蓋花鳥之類。非希世之物。人所共知也。故一經出口。而聞之者。莫不心悟神通。似覺其易。然細推之。同一切耳。又何難易之分哉。或曰。若謂一經出口。卽能心悟神通。則名類究易於他切矣。然子旣無成書。惟此一二切音。欲學者悉推其餘。不亦難乎。

何如逐字爲切。悉以名物而成一編。以示學者。詎非入門之捷徑歟。對曰。字之不同者衆矣。安能一物爲一切耶。即使名物廣。則切異粗細者有之。陰陽不分者有之。有音無字者有之。所謂徒有其名。而無其切者。比比然矣。詎能一一爲切哉。茲以花木之類言之。卽如萱花。鰕也。梧桐。翁也。以音之粗細。平之陰陽。分而論之。花粗而鰕細。桐陽而翁陰也。其所以不能以粗切粗。以陽切陽者。蓋因鰕字雖有粗音。而無其字。翁字雖有陽平。亦無其字。旣無其字。則疑似之間。或

呼之爲鰕或呼之爲翁矣。然細推之。非粗細不分。陰陽莫辨乎。則何如希家切鰕。烏公切翁之爲當也。他如羊桃杜鵑之類。皆有音無字。尤難爲切耳。或曰。彼二切也。或異粗細。或失陰陽。固難爲切矣。然以羊桃二字合而呼之。其音近於堯。杜鵑二字合而呼之。其音近於端。是皆可以爲切也。而子謂爲有音無字。得無誤乎。對曰。苟以音近之字而呼。則羊桃固近於堯。杜鵑固近於端。然以切韻分之。桃列四豪。而堯歸二蕭。鵑列一先。而端歸十四寒。韻既不同。詎可以其音

近而卽爲切耶。苟如子言。置母韻於不問。而惟音近是求。則天下方音之不同者衆矣。子以此音爲近。又安知余不以彼音爲近耶。顏氏家訓云。兖州之人。言語不同。若彼此各就方音。互取音近。則切音不惟不能一律。勢必久而傳訛。欲求其當。豈可得乎。子言誤矣。或曰。以一物而爲一切。逐字分之。固有不能。然如花木之類。亦甚廣矣。豈皆有音無字。不可爲切乎。對曰。否。此指其不可者言之。至於可以爲切者。又豈能枚舉哉。姑以松竹梅蘭之類。擇其大略言之。卽如蒼

松爲蔥蒼松易古松則爲恭矣。鳳竹爲福鳳竹易斑
竹則爲卜矣。紅梅爲回紅梅易綠梅則爲壽矣。蕙蘭
爲寒蕙蘭易木蘭則爲漫矣。他如桃柳之類。含桃爲
豪。含桃易木桃爲毛。木桃易蟠桃爲袍。蟠桃易殘桃
爲曹矣。楊柳爲友。楊柳易綠柳爲篋。綠柳易垂柳爲
丑。垂柳易疎柳爲叟矣。或曰。如風花雪月之類。亦能
擇其一二而爲切乎。對曰。可也。春風爲充。春風易惠
風烘也。惠風易溫風翁也。溫風易光風公也。灌花爲
瓜。灌花易窺花誇也。窺花易賣花媽也。賣花易問花

哇也。霽雪爲絕。霽雪易絳雪。訣也。絳雪易霜雪。說也。霜雪易雨雪。悅也。吉月爲厥。吉月易桂月。骨也。桂月易皓月。核也。皓月易奔月。倅也。或曰。今如不言而示以所執之物。亦可爲切乎。對曰。其義一也。或曰。視余所執何也。對曰。子所執者。芒也。敢問何謂也。對曰。墨牀切。芒。故曰芒。或曰。然則忙茫等字。亦可以此切之乎。對曰。可。何以知其可也。對曰。以其音歸一韻。而無陰陽平之分耳。或曰。敢請再視所執何也。對曰。書箱乎。應切。霜露之霜也。或曰。然則單雙之雙。未可以此

切之乎。對曰。未可也。書箱之箱。韵列七陽。霜露之霜。亦列七陽。故曰。霜露之霜也。若單雙之雙。韵列三江。書與雙母。雖相同。而箱與雙。韵則有異耳。敢問雙。何以切。對曰。以書箱易書窗。是矣。或曰。不示以物。而示以舉止之間。亦可爲切乎。對曰。可。然有不同耳。卽如俯首爲否。以俯首而曰垂首。則爲丑矣。回顧爲護。以回顧而曰反顧。則爲賦矣。此上一字。可以移易也。如仰首爲友。以仰首而曰仰面。則爲宴矣。反掌爲訪。以反掌而曰反手。則爲否矣。此下一字。可以移易也。如

縱觀爲鑲以縱觀而曰遠眺則爲要矣瞻望爲壯以瞻望而曰四顧則爲素矣此上下二字皆可移易也他如叉手爲丑叉手而曰拱手則爲苟拱手而曰執手則爲肅矣義雖一而語有不同詎能一律哉或以今有人焉而於花下徘徊子將何以切之對曰瓜也蓋取觀花二字而爲切也敢問易觀而爲看切亦同乎對曰否母不同也看花乃誇非瓜也敢問觀看二切以音辨之觀近而看遠者何也然則切有誤乎對曰此切異粗細耳非誤也瓜音所以近者蓋瓜本粗

音觀與花亦粗以粗切粗母韵等故音近也至於誇
字雖亦粗音而看音屬細以細切粗故有微異其所
以不失誇之本音者蓋花本粗音以韵叶之故無變
也若求盡善則易看爲空母韵等而切音當矣卽如
書箱爲霜亦屬切異粗細以書箱易梳粧母韵始得
其平耳敢問前言花鳥之類亦能顛倒而爲切乎對
曰可然有音無字者衆耳茲以鳥名一二言之卽如
鳳凰爲房鳳凰而謂鳳凰則爲閑矣早鶯爲爭早鶯
而謂鶯早則爲天矣金鴉爲嘉金鴉而謂鴉金則爲

陰矣。野鵲爲藥。野鵲而謂鵲野。則爲且矣。桑鳩爲摠。
桑鳩而謂鳩桑。則爲姜矣。游鴻爲融。游鴻而謂鴻游。
則爲猴矣。陽鳥爲杏。陽鳥而謂鳥陽。則爲娘矣。桐鳳
爲慟。桐鳳而謂鳳桐。則爲馮矣。孤鶴爲各。孤鶴而謂
鶴孤。則爲呼矣。餘如花木之類。蒼松爲蕙。蒼松而謂
松蒼。則爲桑矣。鳳竹爲福。鳳竹而謂竹鳳。則爲仲矣。
紅梅爲回。紅梅而謂梅紅。則爲蒙矣。木蘭爲瞞。木蘭
而謂蘭木。則爲祿矣。含桃爲蒙。含桃而謂桃含。則爲
渾矣。楊柳爲友。楊柳而謂柳楊。則爲良矣。他如光風。

爲公光風而謂風光則爲方矣。灌花爲瓜灌花而謂
花灌則爲喚矣。霽雪爲絕霽雪而謂雪霽則爲細矣。
吉月爲厥吉月而謂月吉則爲逸矣。餘則大略相同。
子苟以類而求其音自得矣。或曰子以物名俗語之
類以釋切音之義固爲初學開入門之徑矣。而亦筆
之於篇得無大雅誚乎。對曰不然。惠子云客謂梁王
曰。惠子之言事也善。譬王使無譬則不能言矣。王曰
諾。明日見謂惠子曰。願先生之言事則直言耳。無譬
也。惠子曰。今有人於此而不知彈者。曰彈之狀何若。

應曰。彈之狀如強。則諭乎。王曰。未諭也。於是更應曰。彈之狀如弓。而以竹爲弦。則知乎。王曰。可知矣。惠子曰。夫說者。固以其所知。諭其所不知。而使人知之。今王曰。無譬。則不可矣。夫珍以常言物名。以釋翻切之義。猶之譬也。所謂以其所知。諭其所不知也。大雅之誚。又何避哉。

第二十四問初學入門總論

或曰。子於切音之義。言之詳矣。而吾仍若茫然者。何也。對曰。不學也。孫過庭書譜云。不入其門。詎窺其奧。

荀銳志於斯。末有不明者。大戴禮云。不能則學。抱朴子云。夫不學而求知。猶願魚而無網焉。荀子云。事雖小。不爲不成。韓詩外傳云。道雖近。不行不至。不學而能者。其惟聖人乎。矧珍之所論者。釋義也。猶末也。子惟求末而不務本。欲明其旨。豈可得哉。子牙子云。無舍本而治末。關尹子云。舍源求流。無時得流。舍本求末。無時得末。其斯之謂歟。或曰。然則子之釋義而獨未及其本耶。對曰。珍固本末竝釋矣。然在學者而論。似猶未得其本耳。蓋字母。本也。釋義。末也。今舍字母。

於不問。而惟釋義是求。是卽舍本而求末。揚子法言所謂舍舟航而濟乎瀆者。未之有也。易曰。正其本。而萬物理。子惟於字母求之。則得之矣。或曰。母有三十三字之別。讀者得母以春母爲先。仙母後乎。對曰。奚用是哉。子惟中母二十二字求之。其義盡之矣。如是一母熟。餘可不覩而知其音。亦如五聲之類。識其一。莫不以類而推。王羲之云。慕習精專。形彰而勢顯。蔡邕云。望形表而影附。聆嘉聲而響和。此之謂也。或曰。字之不同者衆矣。而子謂熟一母卽明其義。何若

是之易哉。殆未然乎。對曰。否。荀子云。五寸之矩。盡天下之方也。新論云。觀象之牙。知其大於豕也。見狸之尾。知其小於豹也。故觀一可以知百。觀此可以明彼。易曰。神而明之。存乎其人。此之謂也。或曰。熟一母而類推其餘。固神而明之。存乎其人。然觀一可以知百。觀此可以明彼。則不啻孔叢子所謂以一縷之任。欲繫千鈞之重。不亦難耶。何若三十三母。俱熟誦之。豈非多勝於寡乎。對曰。不然。荀子云。目不兩視而明。莊子云。通於一而萬事畢。一行傳云。夫一。萬事之本也。

以斯論之。則專精固勝於務多矣。子苟逐句誦之。莫不半塗而廢者。蓋緒多則心必煩。縷紊則目必亂。三十三母羅列於前。則不啻緒多而縷紊。欲明其旨。求終其事。詎可得乎。王琚射經云。的必始於一丈。百發百中。漸至於百步。亦百發百中。蓋由近及遠。亦猶寡而至於多。老子云。少則得多。則惑。此之謂也。或曰。昔昌黎謂儀禮難讀。今觀字母。殆有甚焉。敢問初學將何以讀之。對曰。今以字母計之。自春至仙。共三十三母。每母平聲二十二音。以二十二音分而論之。四各

有不同。然合而言之。其音莫不同歸一律。姜堯章所謂無有同者。而未嘗不同耳。故熟一而可盡。知其餘也。其中所列各母。雖皆可讀。但無字空聲多。惟中母一條。便於誦習。以其有字可辨者十八。而無字空聲止得其四耳。故初學者。宜以中母讀之。茲定爲讀法。以下篇三十二中。所列同母二十二音。前後分爲兩段。每段十一音。分爲三句。慧心者。半日可畢。以中才而論。須分三日讀之。一日以前段讀之。二日以後段讀之。三日則以二段合而爲一讀之。

張

遮秧切

真

張因切。此與下列諄蒸二音北音分之甚詳

中

珠翁切

珠

中汚切

招

張妖切

齋

真皆切

知

真詩切

遮

張餘切

詒

真衫切。站平聲。此與下列甄字南音分之甚詳

託

真切 荊切

專

中淵切。此與下列珠等切南音分之甚詳

以上十一音。分爲三句。首句四字。中句四字。末句三字。第一日讀此。以萬遍爲度。

周

張鵬切

○

真切。此有音無字。空聲也。音詳下。此與下列珠等切北音分之甚詳

渣

張鴉切

追

中透切

諄

莊春切

蒸張升切

○珠等切。此亦空聲也。音詳下。

○珠窩切。此亦空聲也。音詳下。

○擣中窪切

○珠歪切。此亦空聲也。音詳下。

○莊中注切

以上十一音亦分三句。首句四字。中句四字。末句三字。第二日讀此亦以萬遍為度。至第三日則以前之所讀兩段合而為一。亦讀萬遍。必須字句聯貫。一氣。

流通化書所謂若一氣之和合若一神之混同是也。俟能倒誦如流則以末卷所列秧因雍淤之類隨意呼之如能不假思索隨口而出是已融會而喻音歸一母由斯而求切音又何難哉或曰熟讀一母固易事耳然以中母論之其中有字可辨者十八而無字註以切音者四余既不諳翻切欲求其音不亦難乎子將何以教我而得真婀珠彎珠窩珠歪四切之音耶對曰夫切者以兩字而翻一音也以真婀切音而論雖無其字然以二字合而呼之其音近於遮也他

如珠彎二字。合而呼之。其音近於專爲賺陰平也。珠窩二字。合而呼之。其音近於捉陰平也。第珠歪一切合而呼之。雖有其音。而平仄俱無音近之字。以同母粗細而論。其音爲齊粗音也。卽以音之粗細求之。則得之矣。敢問同母粗細。何謂也。對曰。今以中母擇而論之。張細音也。莊粗音也。渣細音也。摠粗音也。蒸細音也。中粗音也。合而言之。莊爲張之粗音也。摠爲渣之粗音也。中爲蒸之粗音也。其珠歪一切卽爲齊之粗音。與張莊六字之義同耳。如仍茫然不明其義。則以

張莊二字。連呼數過。其音自得矣。如張莊不得其音。則以渣撾連呼數過。渣撾不得其音。則以蒸中連呼數過。如是以類而求。莫不洞明其義矣。或曰。珠歪一切子。以同母粗細分而釋之。學者固能類求而得其音矣。然吾觀之。而猶不悟其旨。子將何以教之耶。對曰。如粗細不得其音。則於切音求之。子惟口呼珠歪耳。聽珠歪二字之音。連呼數過。其音自得矣。若珠歪不得其音。則以專歪呼之。專歪不得其音。則以撾歪呼之。撾歪不得其音。則以莊歪呼之。莊歪不得其音。

則以中歪呼之。如是五切一律速呼。或呼百遍。或呼千遍。而猶不識其音者。未之有也。卽如切公子以孤翁二字速呼。其公之一音。非出孤翁上下之間耶。以孤翁而易瓜翁。瓜翁而易官翁。官翁而易光翁。合而呼之。其音莫非公也。卽以翁字爲韻而言。如珠翁爲忠。莊翁。搥翁。專翁。亦忠也。枯翁爲空。寬翁。昆翁。匡翁。亦空也。蘇翁爲嵩。酸翁。孫翁。娵翁。亦嵩也。婚翁爲烘。呼翁。花翁。歡翁。亦烘也。村翁爲聰。粗翁。催翁。攬翁。亦聰也。潘翁爲葑。鋪翁。拋翁。坡翁。亦葑也。拖翁爲通。推

翁琮翁吞翁亦通也。窗翁爲充。吹翁春翁穿翁亦充也。夫翁爲風。分翁翻翁方翁亦風也。以此類推。即使切有億萬。皆可啟齒而得。彼中母所列亦若此類呼之。自能隨切而得其音矣。家語云。夫布指知寸。布手知尺。布肘知尋。斯不遠之則也。荀子云。以近知遠。文子云。執一而應萬。其斯之謂乎。敢謂切音之學。亦可授之童蒙乎。對曰。竊謂欲讀書。必先識字。欲識字。必先知音。欲知音。必先翻切。欲明翻切。則非字母不可也。苟不明切。無以知其音。不知音。無以識其字。故讀

書者必以是爲主焉。童而習之。尤其要也。宋王洙談錄云。學者不可不知切音。苟不知之。終爲不識字人焉。程正敏剡溪野語載朱考亭答楊元範書亦云。音韻是經書中一事。但恨蚤衰無精力整頓云云。據此則切音詎可忽哉。珍意子弟略識數字。即可授以音學。不過旬日。自明其義。嗣後誦讀經書。旣無難字之患。而五聲平仄之分。亦可洞然矣。卽如伽藍記所載郭文遠之婢春風。以傳奴慢罵。暗寓雙聲之意。以答元謙。夫以婢女而猶識此。授之童蒙。又何難哉。敢問

童蒙之授。可得聞乎。對曰。以童蒙入門而論。宜以末
卷所列通同桶痛禿五字。與之讀之。次以方房紡放
縛廳庭挺聽剔注王枉旺渥之類。與之讀之。字既易
識。音亦順口。俟能旁通五聲。則以前列張真中珠二
十二字。與之讀之。俟能旁通字母。則以二十三問十
陽之類。與之讀之。如此逐字熟誦。縱使魯質。亦莫不
洞明其義矣。敢問旁通之義。可得聞乎。對曰。旁通者。
熟此而喻彼。非誦萬遍者不能也。老子云。不出戶而
知天下。韓詩外傳云。不窺牖而見天道。其旁通之謂。

乎。鶚冠子云。明者在此。其光在彼。亦猶熟於此。而始旁通於彼也。苟不明此。欲求光彼。豈可得乎。卽如童蒙於通同桶痛禿之類。俱能熟誦矣。則問以千字。何以分之。彼如曰。千前淺情切是矣。又問完字。何以分之。彼如曰。碗完盃玩幹。亦是矣。又問影字。何以分之。彼如曰。英盈影應液。亦是矣。又問寸字。何以分之。彼如曰。村存忖寸獮。亦是矣。此五聲之能旁通也。以母而論。如張真中珠之類。亦能熟誦矣。則問以秧字。何以呼之。彼如曰。秧因雍淤云云。是矣。又問強字。何以

呼之彼如曰。強琴窮渠云云。亦是矣。此字母之能旁通也。他如十陽之類。亦能熟誦矣。則問以一先至十先。何以切之。彼如曰。一先爲烟。至十先爲羶云云。此切音之能旁通也。以此類推。他凡切字之類。莫不啟齒而得矣。或曰。吾於字母五聲。不能旁通者。何也。對曰。不熟也。苟能熟之。未有不能旁通者。國策云。毛鷩不豐滿者。不可以高飛。黃石公素書云。地薄者。大物不產。水淺者。大魚不遊。今未精熟於此。而求旁通於彼。是以尺地而求大物之產。以杯水而求大魚之遊。

詎可得乎。切音之道豈有他哉。惟在熟之而已矣。家語所謂弓調而後求勁焉。馬服而後求良焉。不調而求勁。不服而求良者。未之有也。苟爲不熟而欲強明其義。是欲速也。莊子云。見卵而求時夜。見彈而求鷄炙。是卽欲速之謂也。孔子云。欲速則不達。新論云。夫還鄉者。心務見家。不可以一步至也。慕學者。情纏典索。不可以一讀能也。子惟熟之一字求之。其義盡之矣。或曰。字母苟能熟誦矣。而於秧因之類。如仍茫然。則將何以教之。對曰。但恐所讀未足。而亦未能倒誦。

耳。苟讀萬遍而猶茫然。雖魯者不及此矧中才乎。如或有之。豈有他哉。則惟益之萬遍。莫不洞明其義矣。禮云。人一能之。已百之。八十能之。已千之。新序云。絲釐猶能挈石。駑馬亦能致遠。是在爲之者耳。敢問字母俱能瞭然矣。翻切之義將何以入門耶。對曰。當其未喻字母時。雖語之千言。則翻切之義自是茫然。非其不善領會也。蓋不明字母。本應如是耳。苟於字母喻矣。則翻切之義除陰陽粗細似又無所談矣。蓋切以兩字成音。上爲切字之母。下爲切字之韻。下列同。

韵一字。人皆易知。因有書可稽。上列同母一字。人皆難知。因不明字歸一母。今既明字母。皆能隨意呼之。莊周所謂相視而笑。莫逆於心。自有不期然而然之妙。又何言哉。茲錄二母於後。略釋其義。初學切音者。可以類推焉。

三堯陰平二十二音

秧因雍淤妖

皆衣醫

嗟衣衣

烟淵幽

衣鴉

迂迂

威勳蠅關

迂迂迂迂
靴哇歪汪

二十三翻陰平二十二音

香欣胸虛鴉

希義希希

掀萱休

希蝦虛

動興

靴

虛虛虛
哇歪汪

以二母互為翻切言之。如切堯母之妖則秧鴉切。切
翹母之鴉則香妖切。蓋秧與妖同歸堯母。香與鴉同
歸翹母。妖列堯母第五。鴉列翹母第五。皆韻歸二蕭
也。又如切淤則雍虛切。切虛則胸淤切。淤列堯母第
四。虛列翹母第四。皆韻歸六魚也。他如烟休切。幽抵
幽切。休醫興切。蠅義蠅切。興之類。皆可類推。其中陰
陽粗細。最為切要。苟能辨別無訛。其音莫不跳躍而

出。韋續所謂紅蓮映水。碧沼浮霞。自然上下則相應矣。或曰。吾觀同母二十二音。以南音辨之。第二似與十六十七同。十三似與十九同。以北音辨之。第九似與十同。十一似與十八同。今皆雙列而不刪其複。苟不諳南北音者。將何以讀之耶。對曰。吾欲刪南音之複。則不備於北。欲刪北音之複。則不備於南。所以雙列者。期於賅備方音耳。學者苟能一一辨之。固善矣。如不能區別。或有三五音相同者。則當以所同之音。皆作複字讀之。屈原所謂尺有所短。寸有所長。物有

所不足智有所不明。詎可免強爲之哉。矧方音之異。不惟南北有別。卽南與南。北與北。亦有未同。今以南音論之。卽如徽州謂我爲昂牙切。湖州謂板爲補矮切。杭州謂氈爲珠淵切。蘇州謂水爲賞紙切。揚州謂去爲抗意切。泰州謂二爲讓至切。東臺謂豆爲太候切。鹽城謂今爲尚陰切。儀徵謂堂爲陶延切。海州謂風爲夫溫切。淮安謂梨爲郎梅切。類如此者。卽質之南人。而南人亦有此同彼不同者。豈但南北之異哉。況同母二十二音珍之所以分爲句讀。原期不喻字。

母者。一經熟誦。卽明其旨。若謂必諳南北音者。始得讀之。謬何甚焉。蓋同母悉取音歸一律。豈別方音而設乎。學者惟按本處之音讀之。自能得其大義。苟能精熟。卽使二十二音複者。殆半。亦何害於翻切之學耶。卽如南以山羶艱堅閑賢之類。俱分兩音。北或合而爲一。北以因英陳程民鳴之類。俱分兩音。南或合而爲一。類如此者。不能枚舉。以斯論之。然則不別其音者。卽不得讀字母乎。總之切音之學。亦有深淺不同。學者如惟粗通其義。則方音不辨可也。欲求其精。

似又不能不辨矣。或曰：吾聞呂坤交泰韻云：韻學只宜面談口授，心唯書之紙上，便難分曉。以此論之，則音學非面授不可也。而子謂熟一母，卽明其義者，何也？然則呂氏之言非歟？對曰：若謂書之紙上便難分曉，則音書可廢，而有志於斯者，亦可掩卷矣。豈定論哉？竊謂言之不明則已，不然，何分曉之難耶？豈古人諸書不啻千言萬語，而竟一無可入之境歟？卽以斯集而論，可謂不及前人萬一。然於翻切之旨，始則以字母五聲陰陽粗細發明其由，繼則以迴環顛倒自

切雙翻推廣其義加以方音之切物名之翻以及入門總論之類雖皆立言極淺而於後進詎無小補呂氏謂書紙上便難分曉其或別有取裁別有捷徑則可若專指口授而言則珍斯篇發明入門殆無餘義雖非口授亦如面談學者細詳其義自能明其大略豈必定欲口授而後喻哉或曰吾觀古人韵書於有音無字者謂之空聲莫不借○以代之此在識者固一覽而知其音矣但施之初學得無茫然耶呂氏謂非口授不能者殆謂此乎對曰以古人空聲論之或

非面授不可也。至於斯集。珍於空聲之類。莫不註以翻切。雖不知切者。皆可隨字呼之。而得其音。卽如中母所列四○。則註以真。姁之類是也。或曰。易○而爲切。殆始於子歟。對曰。然。敢問○與切。其義同乎。對曰。然。或曰。吾旣不諳字母。於○之字。切之音。固皆不識其義矣。然細觀之。○雖有字。而似無字。切似無音。而實有音。蓋學者。可以據切而呼音。不能覩○而識字也。以此推之。切非易於○乎。而古人舍其切之易。弗爲。而示以○之難。殆故爲矜奇歟。抑未肯顯示於人。

歟對曰否豈有是哉蓋古人於著述惟取簡要耳意
謂切與○原無兩義故列○而從其簡豈知久而失
傳學者皆病其難耶近世以來幾成絕學珍故不憚
其煩既於同母備載切音仍於陰陽詳釋其義惟期
便於初學緘秘之旨余無取焉

李氏音鑑卷三終

李氏音鑑卷四

大興李汝珍松石撰

語言各有方域聲音時有變遷故三百篇中東陽
不叶而孔子象傳以中韵當老子道德經以韻韵
盲此近於方音者也楚騷之音異於風雅漢魏之
音異於屈宋此隨時變遷者也齊梁以前平上去
無別至唐時如元稹諸人作長律尙有遺風惟入
聲則各自爲部不叶三聲然如檀弓稱君辱與彌
牟之弟遊註謂文子名木緩讀之則爲彌牟又古

樂府江南曲以魚戲蓮葉北韵魚戲蓮葉西註亦稱北讀爲悲是以入爲平已萌於古也用撰北音入聲一卷以別方音之異焉

第二十五問北音入聲論

或曰前言北無入聲其義可得聞乎對曰夫屋者韵列一屋乃入之首也而北音謂之曰烏此以入爲平矣餘如七發之類皆以陰平呼之十斛之類皆以陽平呼之鐵筆之類皆以上聲呼之若木之類皆以去聲呼之茲分錄於後註以翻切較之周德清所論北

音略加詳備焉。

笏

音呼
烘鳥切

斛

音湖
紅吳切

脫託

音拖
通窩切

棗

音同
蟻蛇切

剔

音梯
廳奚切

倜

音題
廷攜切

插鋪

音差
昌鴉切

察

音擦
長牙切

七柒漆戚

羌伊切
音欺

緝楫輯戢

強移切
音奇

瞎

希鴉切
音鰕

轄押狎狹挾

轄牙切
音霞

撲扑

噴汚切
音鋪
又盆吳切

僕璞撲撲朴濮

盆吳切
音蒲

一壹乙𪔐挹指

挾肌切
音醫

檄邑

揚其切
音移
又邑
字或讀燕吏切

濕蝨爽失識

商知切
音詩
又識
字或讀神持切

十石拾神持切音時

喝音何

核効曩曷褐餲盍闔榼合恒蛾切音何

此以入爲平。各分陰陽有字可音之類也。

削希腰切音朽

學蟾堯切音楊陽平又許娥切

粥音周

妯柚枕尤切音周陽平

札紫張鴉切音道又掌牙切

開煤掌牙切音渣陽平

夾飢鴉切音加

袂蛺幾牙切音加陽平又蛺字或讀飢鴉切

速栗松汚切音蘇又隋吾切

俗宿隋吳切音蘇陽平又宿字亦讀歲悟向宥二切

摘真皆切音齋

宅翟掌崖切音齋陽平又墨翟之翟讀頂黎切詳見下

鞠軍淤切音居

櫛菊局捲餘切音居陽平

八捌魁

班窪切音巴
又板娃切

拔跋

板娃切音
巴陽平

號蝸郭

孤窩切音錫
字亦讀古表切

國幅

古羅切音
錫陽平

木

中汚切音珠
又腫吳切

竹竺軸燭祝

腫吳切音
珠陽平

贅

張餘切
音遮

折哲蜇蟄陟摺

掌蛇切音
遮陽平

督

東汚切
音都

讀續續匾毒獨

董吳切音都陽平

吸噏翕暫胖

掀衣切音希

席蓆昔惜襲錫習

賢沂切音希陽平又惜字亦讀掀衣切襲字亦讀向意切

隻汁擲騰織

真詩切音知

直殖秩帙姪質執職

枕時切音知陽平

叔

霜諸切音書

執塾沐秫菽贖屬蜀

夷除切音書陽平

撥餗孛剝

奔窩切音波

毫駁箔鉢脖藥搏博

補娥切音波陽平

此以入爲平。各分陰陽。陽平無字可音之類也。

說舒窩切

朔爽羅切

逼兵伊切

必秉移切又上去二聲

轟充窩切

絳龍羅切又充窩切

搭登鴉切

達等牙切

歇歇香爹切

協變脇叶切 轄爺

發方哇切

伐筏闕乏切 房娃切

接癩揭京爹切

節結潔棘劫拈詰子碣竭杰桀傑景爺切又棘字亦讀景移切

捉涿拙珠窩切又拙字亦讀主羅切

逐築啄琢卓倬焯鋤濁斲茁鑿濯擢酌主羅切

此以入爲平各分陰陽無字可音之類也

喫 昌詩切

出 穿蕭切

縮 蘇窩切

薛 虛梭切

沃 汪鑄切

殺 山鴉切

凝 青坡切

膝 腠居切音虛又賢

幹 汪花切

咭 音哇

麴屈

音區迂切

哭窟

音枯切

鴨押

音鴉切

劈霹

偏伊切音批又劈字亦讀品以切

噓殼

康胡切音科又殼字亦讀去臥切

屋渥

汪孤切

括括

孤哇切

撮感願蹴踠簇

粗阿切音搓又願字亦讀去聲

此以入爲平。有陰無陽。有字可音之類也。

摸切 捫捫窩

招切 欺欺鴉

拉切 浪浪鴉

拍切 鋪鋪哀

黑切 蒿蒿卑

醬切 兵兵嗟

貼切 梯梯嗟

刷切 書書窪

捻切 念念遮

禿通汚切

撇批嗟切又上聲

切欽嗟切又去聲

約雍窩切又去聲

塞思皆切又去聲

曰廷轄切又班瓜切

勒爛卑切又浪簡賴媚二切

闕缺區薛切

薩敬思鴉切

此以入爲平。有陰無陽。無字可音之類也。

鶴

寒養切音豪
又義箇切

額

昂和切音婉
又按箇切

沒

茫回切音梅
又暮質切

滑

湖麻切
音華

勺

神堯切
音都

舌歛涉折

神邪切音蛇又曲折
之折讀掌蛇切見前

福蝠匐伏茯服服復復腹

馮吳切
音扶

此以入爲平。有陽無陰。有字可音之類也。

佛切焚燒

別切棄爺

賊切子梅

白切補挨

族切從吾

熱切祿尤

嚼切幾堯

昨切祖娛

活切滑羅

測此候切又離切

雜匪切

足卒左吳切

奔鐸重娘切

得德等娥切或讀斗美切

角覺爵切

則澤子娥切又擇字亦讀掌崖切

苞胞薄本敖切又薄字亦讀本娥切

決訣决厥蹶偃掘誦絕切

此以入爲平。有陽無陰無字可音之類也。

筆

秉以切
音比

卜

本伍切
音補

囑

腫伍切
音主

雀

起狡切
音巧

索

髓我切
音鎖

郝

虎稿切
音好

幅

勑伍切
音斧

揭

懸跋切
音可

脚音紫香切

尺音敝始切

甲盛甲之甲景雅切音假
甲乙之甲記迂切音架

曲歌曲之曲犬許切音詠
曲折之曲團迂切音區

訖乞音起

戟給音幾以切

百柏本矮切音擺又
補說布箇二切

榔郭古我切音果又郭字
亦讀低窩切見前

穀穀谷鵠鵠骨拱武切音鼓
又拱吳切

此以入爲上有字可音之類也

北本委切

雪許瑣切

窄掌錢切

塔討雅切

血享野切又許者切

鐵帖挺野切

癘乘野切又龍字亦讀兵嗟切

疋匹癘品以切

此以入爲上無字可音之類也

六亮宥切

諾怒臥切

柵照亞切

錯才餓切

覲妄化切

浙振含切

各姑賀切

帕判化切

不

半悟切音布又平聲

肋

賴爛切音淚又浪箇切

的

定興切音地又頂移切

略

亮要切音料又慮貨切

泣迄

欠藝切音契

泄褻

信夜切音棚

戌績

訓御切音駒

室植

震侍切音智

設攝

尙蔗切音射

羹然音履

麥陌音壞切音寶又陌

匿曜溺音臧切

律漉綠音慮切

漬牘燾洞務切音妒又燾

物勿机妄固切音務又机

嫉鯽鰓竟異切音記又鰓

述術倏淑順固切音固又淑

蜜密必覓面藝切

赤斥勅飭

暢侍切音翅

拂弗髴艱

忿悟切音赴

獲獲穫忽

貨務切音互

赫壑紇黻

號箇切音賀又紇字亦讀按箇切

絡酪烙落

浪要切音滂又路臥切

克剋客刻酷

抗賀切音課

夙肅餽餽束

宋務切音素又順務切肅字亦讀松汚切

鑰籥瘧藥葯

印鈞切音要又藥葯二字亦讀用臥切

勃渤魄珀柏迫

伯臥切音破

或惑澗豁霍霍

護臥切
音貨

悉夕析隙熄息

向異切
音戲

室釋適飾式軾拭

尚智切
音侍

葉業鄴謁掖液腋

意榭切
音夜

畢蹕謐邲壁弼碧

竝異切
音避

祿碌錄鹿輶麓戮陸

魯務切
音路

立笠粒歷歷栗慄力

亮異切
音吏

木沐目苜牧幕睦穆

問務切
音慕

墨默脉貊末沫莫漠寞

孟侯切
音磨

玉郁鬱獄鬱欲慾育澳莫聿浴疫役

院去切
音御

益溢鎡錫譯驛擇數亦弈奕億臆佚洑翼翌逸弋

易抑侑

燕吏切
音異

此以入爲去有字可音之類也。

熱

認鵠切

肉

認宥切

滅

面夜切

日

認智切

黻

富臥切

樂浪箇切

側次箇切

虐女餓切

率樹外切又素臥切

桔竟夜切又幾爺切

駱落莫臥切

若弱同臥切

特忒透賀切

仄字箇切

僻闕勝異切

妾竊氣夜切

策冊次箇切

恰恰氣亞切

髮法放亞切又法字亦讀房牙切

蓄畜訓臥切又畜字亦讀鉏務切

納訥奈大切

蠟臘浪亞切

潤廓庫臥切

穴恤卹

恤坐切

入褥辱

認誤切又辱字或讀閏臥切

卻鵲確磳

勸臥切

嶽岳樂躍

用破切又躍字或讀意教切

闕捷楊獺踏

炭亞切

穠齋澁色瑟

四蔗切又尙蔗切

列裂烈獵獵劣

刊夜切

涅孽臬閼聶鐻蹻

念夜切

月別悅閼閼軌域越

遇鵠切

此以入爲去無字可音之類也。篇內翻切與古迥異。古人韵書粗細俱歸一母。陰陽亦皆通用。其法雖善。然非深通韵學者。莫詳其義。斯爲初學而設。故於粗細旣分兩母。而每母仍有音涉輕重之類。亦皆細爲區別。竝以五聲各分其類。如切陰平。則母韵二字皆陰。卽如通窩切。拖拖爲陰平。通窩亦陰是也。如切陽平。則母韵皆陽。卽如盆吳切。蒲蒲爲陽平。盆吳亦陽是也。如切上聲。則母韵皆上。卽如拱武切。鼓鼓爲上聲。拱武亦上是也。如切去聲。則母韵皆去。卽如怒卧

切懦懦爲去聲。怒臥亦去是也。至於入聲。母韻皆入。固亦可切。不若母用上。韻用入。更爲切近。卽如前篇野鵲切藥。野爲上聲。藥仍入聲之類是也。此類惟取音近。雖不知切者。隨字呼之。其音莫不恰出母韻之間。他如陰平不得陰母。則以去聲代之。陽平不得陽母。則以上聲或入聲代之。如無陰聲。則註曰某之陰平。如無陽聲。則註曰某之陽平。如此各爲區別。庶切音益得其準。至於切字之母。平仄原可不論。然旣本有一類之母。又何妨以平切平。以仄切仄。更爲音近。

使人易曉乎。珍不揣固陋。於五聲圖所收各音。悉本此義切之。學者於此合參。自更瞭然矣。敢問北音以入讀入者。何也。對曰。是亦罕矣。姑以音近者而言。其惟促猝等字乎。然細審之。其音仍近於平。亦未見其音之促也。

第二十六問南北方音論

或曰。北無入聲。此固方音而然。敢問南音亦有方音之異乎。對曰。豈勝言哉。卽如江尚之類。亦多未分者也。敢問可得聞乎。對曰。按江字一音。廣韻註云古雙。

切以北音辨之。古雙者音若光而非江矣。不知者以爲誤也。而不明此蓋南方之音耳。南有數郡。每呼江南而曰光南。又或謂之崗南。江崗不分。故有此切。方音而然。非誤也。或曰。江以北音切之。何也。對曰。雞雙切也。敢問南音不分者。惟江崗二母乎。對曰。豈勝言哉。茲以商桑長藏章臧六母論之。卽如商知切。詩也。雙汚切。書也。而南音或以詩爲桑滋切。書爲酸租切。是以詩書而爲思蘇矣。又如潮營切。城也。長時切。池也。而南音或以城爲曹凝切。池爲藏時切。是以城池

而爲層慈矣。又張詩切。蚺也。中汚切。蛛也。而南音或以蚺爲臧絲切。蛛爲宗蘇切。是以蚺蛛而爲資租矣。此商桑長藏章臧六母。北音辨之細。而南有數郡。或合爲三矣。敢問南音分。而北音不分者。有之乎。對曰。是亦多矣。以槍羌將姜。廂香六母論之。卽如妻悠切。秋也。親烟切。干也。而北音或以秋爲欺悠切。干爲欽烟切。是以秋千而爲邱牽矣。又如箭藝切。祭也。擠有切。酒也。而北音或以祭爲見藝切。酒爲幾有切。是以祭酒而爲計九矣。又西妖切。瀟也。星秧切。湘也。而北

音或以瀟爲希妖切。湘爲興秧切。是以瀟湘而爲鴉香矣。此槍羌將姜。廂香六母。南音辨之細。而北有數郡。或合爲三矣。此則竊就南北而言。至於九州之大。方音之殊。又豈能細爲別之。任昉云。六輔殊風。五方異俗。則語音之異。更可知矣。

第二十七問古人方音論

或曰。江崗不分。此固南音。而然然如崗。字一音。古人或爲居郎切者。何也。對曰。此母異粗細。故有是切。歷觀古人諸書。類如此者。不能枚舉。然細推之。殆亦當

時方音之異耳。敢問可得聞乎。對曰。以古音考之。卽如讀皮爲婆。宋役人謳也。讀邱爲欺。齊嬰兒語也。讀戶爲甫。楚民間謠也。讀裘爲基。魯朱儒諺也。讀作爲祖。蜀百姓辭也。讀口爲苦。漢白渠誦也。又家讀姑也。秦夫人之占。懷讀回也。魯聲伯之夢。旂讀斤也。晉滅虢之徵。瓜讀孤也。衛良夫之謀。彼其間巷贊毀之間。夢寐卜筮之頃。何暇屑屑摹擬。若後世吟詩者之限韵耶。其爲當時方音之異。可知矣。他如鄭康成禮記註云。齊人言殷聲如衣。劉熙釋名云。竟冀言歌聲如

柯賈公彥周禮疏云齊人猶搖聲相近孔穎達尚書疏云其齊魯之間聲如姬龔明之中吳紀聞云吳人謂來曰釐郭忠恕佩觿云河朔謂無曰毛都邛三餘贅筆云吳人謂須爲蘇朱子韓文考異云建州謂口曰苦嘉蓮燕語云吳人以玉爲虐顏氏家訓云南人以錢爲涎吳人呼紺爲禁蘇佑適羊求切旃璫言云吳人呼生爲喪呼行爲杭徐充暖妹由筆云晉人呼風爲分謂胸爲熏謂弓爲禪劉攽巴變切詩話云閩人以高爲歌關中以青爲華以蟲爲塵以中爲蒸此指方

音大略而言。至於方言之異。豈勝言哉。敢問可得聞

乎。對曰。左氏云。楚人謂虎爲菟。戰國策云。周人謂鼠

未腊者朴。周書云。狒狒。北方謂之吐噤。爾雅云。鼯與

切鼠身長須而賊。秦人謂之小驢。穀梁傳云。吳謂善

伊爲稻緩。又云。兩足不能相過。齊謂之綦。楚謂之跖

切遵須。衛謂之輒。此皆見之史傳者也。他如常璩華陽

國志云。蜀以酒曰醴。張耒明道雜志云。吳謂曷爲速

揚雄輶軒絕代語云。東齊壻謂之倩。何休公羊傳註

云。齊人畚補穩切謂之鍾。盧言雜說云。關中謂水曰霸

五十七卷 卷四 二

宋祁筆記云蜀人謂老爲蟠戴埴鼠璞云荆土謂父

曰安姚寬殘語云閩人謂子曰囡九演切韓氏蜀本草

云蜀人以藕爲茄稻含草木狀云南人呼稜爲歛郭

義恭廣志云蜀人名梅爲蓀朗襍切王逸離騷章句云

楚人名滿曰憑黃伯思刊誤云江淮謂母曰媼梅氏

字彙云羌人呼父曰爸補可切楊慎外集云江右謂子

曰崽子改切司馬貞史記索隱云北人謂薄爲曲馬縞

中華古今注云江東呼猪爲豨享里切鄭康成儀禮註

云秦人謂軟爲桃郭璞方言註云江東呼打爲度越

絕書註云。越人謂鹽曰餘。西京賦註云。三輔名梁爲

極。朱勝非閑居錄云。東北人謂煤曰渣。上聲孫炎爾雅

註云。荆楚之間謂蒿爲馱。氣寔切孔氏周禮疏云。紀莒

之間名諸爲濫。高誘呂覽註云。稌。關西謂之糜。冀州

謂之聚。竟寔切此以一字而呼一音之異也。陸游老學

菴筆記云。西人謂父曰老子。吳處厚青箱雜記云。閩

人呼父爲郎罷。崔豹古今注云。揚州謂蕩爲班杖。羅

願爾雅翼云。北人呼稷爲烏禾。蘇恭本草云。關中呼

藪爲菹菜。陸佃埤雅云。閩俗謂霰爲米雪。陳達叟蔬

譜云嘉定謂芋為博羅朱翼猗覺寮雜記云北人謂

麪名餽

補各切

飪

土各切

陳懋仁庶物異名疏云越人謂

船為須慮何孟春餘東序錄云楚人謂耒為掉花胡

仔漁隱叢話云蜀人謂薺

耻充切

為苦茶吳人傑離騷

草木疏云江南人呼苽為菱草陸璣詩疏云幽州人

謂藕為光旁異物志註云高昌郡呼粥曰羅蘭蔣德

璟舊經云陳魏之間謂藕為皂帙周禮釋文云桂林

之間謂短為矯

補買切

矮劉鍊國史纂異云雲陽土人

謂槐為玉樹王志遠元亭涉筆云江南士人呼筆為

寶鑑。韋昭國語註云。夔一足。越人謂之山繖。適旃璫
言云。閩廣謂雨爲忽刺。謂雪爲撒刺。謂城爲可闔。謂
墩爲可刺。謂馬爲母林。謂跪爲抹骨。此以一字而呼
二音之異也。周祈名義考云。南土謂籬爲巴飛。地圖
經本草云。汝南呼菊爲茶苦蒿。陶穀清異錄云。西北
郡名粥爲潯沱飯。適旃璫言云。閩廣呼雷曰刀郎都
難。此以一字而呼三音四音之異也。顏師古漢書註
云。齊人名小裘爲儻。孔穎達左傳疏云。江南謂刀擊
爲刺。仿勿切劉涓子吳都賦註云。楚東謂相笑曰哈。和來切

切顏延之纂要云齊人謂生子曰婉吳處厚雜記云
嶺南呼村市爲墟趙令時侯鯖錄云山東謂衆多曰
洋劉恂錄異記云閩人謂水母曰訝張鷟朝野僉載
云山東謂溫飯爲殭葉氏愛日齋藁抄云蜀中呼老
者爲波張氏明道雜志云東北人謂斫伐曰坎杜預
左傳註云吳楚間謂火滅爲燔漿淹切邢昺爾雅疏云
自江而南呼犁刀爲鎗張守節史記正義云許北人
呼爲鑿子吳楚謂之誌李詡俗呼小錄云吳人謂取
物曰擔靖江曰咆寧波浙東曰馳段公路北戶錄云

南人呼古度樹曰柁。毛詩釋文云：齊人名小兒被爲

禘。郭象莊子註云：楚人謂啼極無聲曰噎。意通切升菴

外集云：江南謂壅水爲堰，曰埭。逸雅云：宋魯人謂醢

有骨者曰齧。年撫切儀禮鄭註云：萊易之間刈稻聚杷

曰筥。禮記孔疏云：東海樂浪人呼谷十二斛者曰穀

宋景文筆記云：汾晉之間，尊者呼左右曰咄，陸游入

蜀記云：蜀人謂山水流通江者曰漲，此以數字而呼

一音之異也。彭大翼山堂肆考云：北方謂環紐曰屈

戌。王世懋讀史訂疑云：南人呼迎春爲辛夷，馬永卿

類真子錄云。江北謂兩壻爲連袂。李恂南海藥錄云。關中謂林檎爲楹棹。郭孔太書傳正誤云。貴州謂接牢曰打牢。中華古今注云。江東呼蛺蝶爲撻末。戚光南唐書音義云。北人謂但來爲檀來。吳普本草云。鄭越謂山藥爲土藷。蘇頌圖經云。南人名龍眼爲木彈。馮贇記事珠云。建人謂關茶曰茗戰。張華禽經註云。關中呼鷓鴣爲巧女。潘子真詩話云。荆楚謂河鼓爲黃姑。郎瑛七修類稿云。雲南呼菌子爲雞宗。宗慄歲時記云。楚俗呼鞦韆爲施釣。楊慎外集云。北方呼餅。

器曰鑪

按到切

子。陳藏器拾遺云。蜀人謂木鹽爲酸桶。

趙彥衡雲麓漫抄云。中原人謂擊鐃爲篩鐃。陶宗儀

輟耕錄云。福州人呼玉腴爲佩羹。劉歆西京雜記云。

長安人呼菰米爲雕葫。謝翱楚詞芳草譜云。江淮間

呼卷施爲宿莽。後漢書註云。江淮人謂一石爲一擔。

孫思邈千金食治云。秦楚間呼薯蕷爲玉延。許嵩建

康實錄云。江淮之間謂牛臂曰綽子。張華博物志云。

徐州人謂塵土爲蓬塊。吳人謂之拔跌。此以二字而

呼二音之異也。李詒戒菴漫筆云。湖廣謂角黍曰不

落茨馮應京月令廣義云。閩中謂烟火名秦皇辨范
成大桂海虞衡志云。北人謂蛺蝶爲元武蠅。宋祁劔
南方物贊云。蜀人呼鬼曰名羞天花。李珣海藥本草
云。南人呼楹梓爲文林郎。任昉述異記云。吳人呼萱
草爲療愁花。顧野王玉篇云。魯人謂蘆葍曰菰。朗答切
蘆葍坦答切子。李匡乂資暇錄云。京洛呼籠籬條爲竹籬。
三餘贅筆云。吳人呼暖酒器爲急須。盧言雜說云。山
東謂擎將去爲櫟刁。裴駟史記集解云。南陽人謂抱
小兒爲雍樹。洪邁夷堅志云。江陵土人稱挽畜繩爲

五尺。公羊傳註云。宋魯之間名結婚姻爲兄弟。此以二字而呼三音。三字而呼二音之異也。斯亦大略而言。餘如揚子方言及續方言所載不可勝計矣。

第二十八問論著述本意

或曰。子以南北方音辨之詳矣。所切之音亦可質之天下乎。對曰。否。不然也。王制云。五方之民言語不通。揚子云。俗語不失其方。以斯而論。天下方音之不同者衆矣。珍。北人也。於北音宜無不喻矣。所切之音似宜質於北矣。而猶曰未可。況質於天下乎。子言過矣。

敢問以北音質於北而猶曰未可者何謂也對曰左氏云楚言而出則楚音異於鄭矣孟子云一齊人傳之而齊音又異於楚矣此固南北而然然揚子雲方言既辨之於燕趙鄭衛矣而猶別之於秦晉齊魯之間以此推之豈惟南北不侔卽北音亦多未同者矣故曰未可也或曰子之切旣不能質之於天子北人也而猶不能質之於北然則著爲此篇者殆爲覆瓿而設乎對曰豈惟是哉莊子云毛嬙麗姬人之所美也魚見之深入鳥見之高飛又曰子非魚安知魚

之樂是皆不侔之喻也。苟方音之不侔。彼持彼音。而以吾音爲不作。則不唾之者幾希矣。豈直覆瓿而已哉。珍之所以著爲此篇者。蓋抒管見所及。淺顯易曉。俾吾鄉初學有志於斯者。藉爲入門之階。故不避謬陋之誚。顏元孫所謂綆短汲深。誠未達於涯涘。歧多路惑。庶有歸於適從。如曰不然。請俟來哲。至於韻學精微。前人成書具在。則非珍之所及矣。或曰。子言翻切之義。其盡已乎。對曰。以蔽識之見。如斯而已。子或別有取裁。珍不敏。何足以知之。或曰。字之不同者衆。

矣。而子惟以一二翻切。欲學者悉明其義。不亦難乎。何如逐字爲切而成一編。詎非彼善於此。子何憚而不爲歟。對曰。逐字爲切而爲一編。固易事耳。卽著數編。何難之有。前以一字而切數十。不知爲難。豈一字而爲一切。反爲不易乎。然非珍之發明。初學本意矣。珍之所言翻切。雖屬無幾。而於初學似多裨益。卽如迴環顛倒。雙聲疊韻。自切雙翻。並一字而切數十之類。皆不憚反覆言之。所以然者。欲學者明此。可無拘執之弊。餘如禽名。祝鳩。物名。墨床之類。亦並筆之於

篇者。蓋言愈淺其義愈明。凡事莫不由淺而深。由近及遠。至於翻切。悉出天然。原無深淺之異。然於初學似不得不爲區別。珍以眼前常談而爲翻切。卽所謂淺也。近也。學者於此而觸緒皆通。卽所謂深也。遠也。苟如子言。而必逐字爲切。徒使學者茫然莫知要領。所謂雖多亦奚以爲。矧前人諸書具在。又何珍之曉曉爲哉。或曰。吾觀夏氏玉鑰匙序云。訥菴之書行之海內。當時學者。梯山航海。不憚其勞。問難質疑。殆無虛日。人人敬相傳錄。重如球壁。子謂門類爲糾纏之

弊則訥菴之編門分二十何名重一時而質疑問難來學之廣耶對曰因其多列門類頭緒紛紜學者未喻其旨故多質問之煩若總其綱領晰其條目詳言其旨使學者一目瞭然悉明其義又何質問之有哉或曰子釋翻切之義固無門類之習然反覆辨論幾及千言豈學者俱能領會而一無質問乎對曰珍之所論雖及千言然要旨則重字母二十二字之訣猶之綱領也至於反覆辨論莫非推明其義闡發其旨猶之註釋也賈公彥儀禮序云道本沖虛非言無以

表其疏言有微妙。非釋無能悟其理。珍之所言亦惟
釋其微妙耳。以二十二字之綱領。註以千言。而並以
空聲之類。悉註切音。不啻瞭如指掌。是學者欲質欲
問者。已爲詳盡其義。不惟無可質問。而穎悟者一經
過目。莫不洞明切字之旨矣。

李氏音鑑卷四終